



Allahov Poslanik, sallallahu 'alejhi ve sellem, zabranio je meso domaćih magaraca, a dozvolio konjsko.

Džabir b. Abdulla, radijallahu 'anhu, prenosi da je Allahov Poslanik, sallallahu 'alejhi ve sellem, zabranio meso domaćih magaraca, a dozvolio konjsko. Kod Muslima u predanju stoji: "U vrijeme bitke na Hajberu jeli smo meso konja i divljih magaraca, a Poslanik, sallallahu 'alejhi ve sellem, zabranio je meso domaćih magaraca." Abdulla ibn Ebi Evfaa, radijallahu 'anhu, kaže: "Zadesila nas je velika glad u noćima (opsjedanja) Hajbera, pa pošto je došao dan oslobođenja Hajbera, naišli smo na domaće magarce i poklali ih. Kad su lonci (s mesom) proključali, glasnik Allahovog Poslanika, sallallahu 'alejhi ve sellem, oglasio se: 'Prevrnite lonce i nemoj te od magarećeg mesa ništa jesti!'" Ebu Sa'lebe, radijallahu 'anhu, kaže: "Allahov Poslanik, sallallahu 'alejhi ve sellem, zabranio je meso domaćih magaraca."

[Vjerodostojan] [Hadis bilježi imam Muslim - Muttefekun alejh]

Džabir b. Abdulla, radijallahu 'anhu, prenosi da je Vjerovjesnik, sallallahu 'alejhi ve sellem, zabranio da se jede meso domaćih magaraca, a dozvolio je meso konja i divljih magaraca. Abdulla b. Ebi Evfa, radijallahu 'anhu, kazuje da su oni jedne noći na Hajberu bili gladni, pa kada su osvojili Hajber, zaklali su neke magarce koje su pronašli u njemu, te su meso stavili da se kuha. Kada se meso skuhalo, Poslanik, sallallahu 'alejhi ve sellem, naredio im je da prevrnu lonce i da na jedu to meso.

<https://sunnah.global/hadeeth/bs/show/3003>

